

# КИРОВЕЦ

Тыловой ВКП(б) Райкомлэн но Райсполкомлэн органы

15 сентября 1937 арын | № 70 | 3-тй арзэ потэ

## Райзоысь вредительёс шараямын но ужысьтызы палэнтэмын

1936 аре ю нянь удалт-ымтэен колхоз'эсын туж шуг секыт'эс луизы. Толалтэ 1936—37 аре райзоысь ужас'эс Трефилов но Васильев зав. райзо Шульминлэн кивалтэменыз колхоз'эсысь тае шуг секыт'эсыз адзыса фермаосысь пудо животэз быдтон вылысь пöртэм вредительской уж'эс лэсьтылзы. Колхоз правлениосы кулак'эсыз, белогвардеец'эсыз но церковной советлэсь член'эссэ бырйылзы.

Сызьыл 1936 аре старшой зоотехник Васильев „Динамо“ колхозлы фермаысь парсьёсты сйльлы вандылыны приказ сётйз. Сзыик лэсьтызы 48 парсьёсты фермаысь вандылызы, соопöлысь 10 породистой парсьёсты вандэмын. Тае вредительской уж'эс понна „Динамо“ колхозлэн председателез Корляков ВКП(б) райкомен парти радысь куштэмын. Нош Васильев — вредитель вань та уж'эсыз ачиз лэсьтыз ке но, райком Васильевез Корляковлэсь ужзэ эскерыны ыстыз.

1936 арлэн пумаз зам. зав. райзо Трефилов „Пятилетка“ колхозлы устной распоряжение сётйз, колхоз фермаысь скал'эсыз колхозник'эслы сёт'яны, со озыи лэсьтэмын. 12 скал'эсыз колхозник'эслы сёт'яны, соопöлысь 2 скал кулак'эслы, 1 скал егичи-чичи-никлы сётэмын. 21 июне 1937 аре Тыловой сельсоветлэн председателез Тепляшин „Пятилетка“ колхозын перевыборы ортчылты. Партиец'эсты но сочувствующийёсыз люкаса умой-умой вераськон интые бутот'эсыз, подкулачник'эсыз люкаса предварительной совещание орчылты, соин ик правление кулак'эс церковной советлэн член'эсыз чуртнаськызы. Солю пöрмыса ик зам. зав. райзо Трефилов „Сельхозтруд“ колхозын перевыбор орчылты. Преданной, честной колхозник'эсыз правление быр'ён интые кулак'эсыз, аслэсьтыз кум'эссэ, братэ но племянникэ правление бырйызы. 1936 аре колхоз'эс государствоы етйн тырыны олокытысь но треста угчаса ветлызы. Нош Трефилов „Новая жизнь“ колхозэ мыныса вал'эсыз етйн трестен сюдыны косэм. Озыи 5 воз етйнэз вал'эслы сюдыса, вал'эс висьны кутскызы, соку ик 2 вал'эс кулдызы. Толалтэ 1936—37 аре „Пролетарий“ колхозын 72 тона силоссы сюдытэк кылызы. Нош соин сэрэн колхозын 60 скал но 40 вал кулдыз.

Зав. райзо Шульминлэн настаивать каремныз райисполкомлэн президиумез колхоз СТФ-ысь парсьёсыз колхозник'эслы сётчаны пуктыз. Парсьёсты колхозник'эслы сётчаны Шульмин лично ачиз договор гожтыз. Озыи президиумлэн решениез уж вылын быдэсмиз, парсьёс колхозник'эслы сётэмын вал. Нош райисполкомлэн азыло председателез Богданова тае уж'эсыз шараям интые ачиз солю способствовать кариз.

Тулысь ю кизен дыр'я Шульмин „Пролетарий“ колхозыз чуньы луоно вал'эсын ужаны косыз, секыт ужамен 4-эз вал'эс чуньы куштйзы. Июнь толзэе 1937 аре „Пролетарий“ колхозлэн правленияз членэ Зюзя черклэн советэлэн членэз быремын вал. Шульмин Трефиловлэсь тае урод уж'эссэ шараям интые лично поручиться кариськыса партие сочувствующо чуртнаськытыз. Нош зоотехник Васильевез вредительской уж'эс лэсьтылэм понна ужысьтыз палэнтэм интые тодонлыксэ жутон понна Горький городэ 2 толзэем курсэ ыстыз. Райзоысь ужас'эс пумтэм юыса улызы ке но, Шульмин райкомлы өз иворты, скрывать кариз.

Зам. зав. райзо Трефилов но зоотехник Васильев вредительёсты Шульмин аслаз аппаратаз берло нуналозь возиз. Кукэ Васильевез президиум ужысьтыз куштйз Шульмин бөрдно кадь кариськыса „тон мыным Васильев туж жаль потиськод, умой ужась вал, нош мар карод президиум куштныны пуктыз уг“ шуса курек'яскызы. Тае уж'эсты шодыса райзоысь ужас'эс эшшо но юны кутскызы, общественной ужлэсь палэнскылйзы. Тае факты экспонатэн Нечаев луэ. Нечаев пумтэм юса улэмысь, общественной ужлэсь палэнскем понна но вань та райзоысь сьод уж'эсыз тодыса но скрывать карем понна комсомольсь куштэтын. Шульмин Нечаевлы но ноқыче ужрад өз куты. Соин ик райзоысь вань тае вредительской уж'эс понна ВКП(б) райком Шульминэз парти радысь куштйз но ужысьтыз палэнтйз, озыи ик Трефилов но Васильев вредительёс сьод уж'эс лэсьтэм понназы ужысь салемын. Нош Шестаков ВКП(б) райкомлэн секретарез луса ужакуз у р о д кивалтэмез понна Шестаковлы выговор сётэмын. Кунавин „Пятилетка“ колхозын парторг л у с а ужакуз СТФ-ысь парсьёсыз

## ИСПАНИЫСЬ ФРОНТ'ЭСЫН

### Центральной фронт

Мятежник'эс 8 сентябре Французской выж но Сиерра де Агила дорысь республиканской позициосы атаковать каризы. Жугискон 3 часлэсь но кема кыстйськыз. Мятежник'эс республиканской войскаослэн линиязы пыр потыны өз быгатэ. Соос жугискем бере ас позициосазы кошконо луизы.

### Восточной (Арагонской) фронт

Мятежник'эс Усэра дорын кужмо наступление нуо. Озыи но республиканской войскаос позициоссэс кызы юн возё. 8 сентябре республиканской частьёс Пуэбла де Альбортон гурт котырьсь куд-ог позициосы басыны быгатйзы. Ваньмыз мятежник'эс гуртысь уллямын.

## Китайын военной действиос

Шанхай, 9 сентябре. 7

сентябре жугискон'эс Юкон пристань дорын орчизы. Японской войскаос Чанхубаньысь кужым'эссэс Янцы пуысь кужым'эсын соединить карыны выро. Китайской войскаос соослы пумит кужмо жугискон, Чанхубан дорын Японской войскаос кбняке азинскизы. Китайской войскаос подкрепление медам басты шуйса японец'эс Конкэ дорысь Востокын луйсь интосызы омырысен но корабльёс вылысен но бомбардировать каро.

8 сентябре уин японской войскаос китайской муниципалитет доры вуэмзы вал. Рукопашной жугискон потэм бере, чукуна пал соос отступить каризы. Лоянлэн востоказ китайской войскаос азинскизы но Цяцинке шурлэсь западной яр

### Северной фронт

Мятежник'эс 8 сентябре побережье вылти наступление нуизы. Республиканской войскаос соослы пумит кужмо жугискон. Мятежник'эслэн трос калыксы быриз. Сиерра де Куэра дорысь кужмо жугискон'эс орчмен, мятежник'эслэн сюрслэсь но трос калыксы бырыны шедиз.

7 сентябре мятежник'эслэн авиацизы Хихонэз бомбардировать кариз. Республиканской истребитель мятежник'эслэн самолёт'эсынызы жугискыны кутскыз. Одиг куйнэ моторо „Юнкерс“ самолет муз'ем вылэ уськытэмын. „Юнкерслэн“ экипажез быриз. Бырыны шедем летчик'эслэсь важной документ'эс шедьтэмын.

дурзэ бастйзы.

5 сентябре 1200 мурт японской моряк'эс Бутунэын яр вылэ потыны медовал. Китайской войскаос кужмо ыбыллыны кутскемен соос яр вылэ потыны өз быгатэ. 8 сентябре японской самолет'эс китайской беженец'эсын тырмем поездзэ бомбардировать каризы. Тини со поезд Шанхай — Ханчжоусской чугуна сюрэс куызы мынэ вал. 300 мурт бырыны шедэмын но 400 мурт сөсырмемын.

Шанхай, 9 сентябре. Японской войскаос 7 сентября Бейпин дорысь 45 километр кемын гурезьёсы дугдэм китайской дивизиез атаковать каризы. Китайской войскаос кужмо контратака лэсьтэмен соос отступить каризы. Японец'эслэн трос солдат'эсы бырыны шедэмын.

## Политшколаос урод ужало

Районамы комсомольской политшколаос урод ужало шуса чем дыр'я собранин, пленум'эсын но совещаниосын пумтэм вераськыськом. Нош та уж вераськемен ик кылэ. Политшколаос чидантэм урод ужало. Тани бастом Шудзядудысь первичной комсомольской организациеэ. 1937 аре умой-умой одйг занятие но орчтытэмын. Комсомолец'эс асьсэлэсь тодонлыксэ жутон вылысь уг ужало. Нош пропандист Лопатин политшкола орчтыт'янлэсь палэнске, ужатэез понна Лопатинэз критиковать карыны уг луы, вандэм атасямен тэтча. „Монэ критиковать эн каре, мон нервной мыным особой небыт ласкательной подход кулэ“ шуса райконференциянын вераськыз.

Талы пöрмыса ик „Красно МТФ-ысь скал'эсыз колхозник'эслы сётчатэм понна выговор сётэмын.

Соин ик райзоысь ужас'эслэн вредительской уж'эс лэсьтэмызы сярэсь райпрокураторалы чик жегатскытэк следствие нуонэз быдэсто.

## Таос районуны нырысьсэ квитанци бастйзы

Итинск сельсоветысь „Красная нива“ „Настраже“ колхоз'эс 13 сентябредэ государствоы етйн мертчан сдать каризы. „Красная нива“ колхоз 42 килограмм 7—8 номерен мертчан сдать ктриз. „Настраже“ колхоз 18 килограмм 9—10 номерен мертчан сдать кариз. Таос районуны нырысьсэ квитанци бастйзы. Кожевников.

## 11 номеро тракторной бригадаын массовой уж ёвёл

МТС-лэн 11 номеро тракторной бригадаз ноқыче массовой уж ёвёл пуктэмын. МТС лэсянь агитатор-массовикен ужаны Хохряков Алексей ыстэмын. Нош Хохряков солы поручить карем ужзэ уг быдэсты. Бригадаын массовой уж уг нуы, стеной газет уг поттылы. Массовой ужез нуымтэ бордысен бригадаын тракторист'эс кустын трудовой дисциплина урод, авариеслуыло, Тини 29 августэ трактор тйяскемен комбайн лумбыт сылйз, уборочной ужез жегатйз.

МТС-лэн сйн аяз та уж'эс лэсьтысько ке но МТС озыи но ужрад уг куты. Александров.

## ИВОРТОН

Тыловой районуныстымы вань колхоз'эсын 18—19 сентябредэ СССР-ысь Верховной Советэ быр'ён Положение сярэсь тема'я единой политдене луоз шуса ВКП(б) Райком ивортэ. Колхоз'эсы вис'ям докладчик'эслы инструкторж 15 сентябредэ 5 часын жыт клубын луоз. ВКП(б) Райком.

Мелузова, Перевозчиков Вас. Е. со сяна почтаысь ваньмыз бадзым начальник'эс Лихачев, Одинцов, Рычков, Ложкин но Будина одйг политшколае өз ветлэ на.

Одиг жыт политшкола луон нуналэ почтае Лихачевлы Дядькин звонить карыны кариськем. „Ну, Лихачев, политшколае лыктыськод-а уд-а?“ шуса юам. Лихачев солы тае ответ сётэм: „Мон СССР-ысь в Верховной Советэ быр'ён Положениез ваньзэ тодысько, ми сое почталэн аппаратеныз проработать каримы, соин мон сое кулээн уг лыд'яскыны но вообще время ёвёл политшколаостй ветлыны, мон табере уг ветлы ни“ шуса трупказэ куштйз.

Нош районамы политшколаос тае чидантэм урод ужало ке но Райкомол сое умоютон сярэсь уг скулмаськы, сое тае факт возматэ Лихачев. Дядькинлы сыче ответ сётэса но Лихачевлы ноқыче ужрад кутымтэ, со вылысен ик уж урод мынэ, причинаез со но луэ на, комсорг'эс асьсэ ужзэс уг быдэсьало, политучеба луон сярэсь комсомолец'эслы извешать уг каро. Васильев.

## ФЕРМАБЬ СКАЛЭЗ ВУЗАЗЫ

В.-Четкер сельсоветысь „Советский путь“ колхозэн кивалтысьёс Гуменников'ёс колхоз член'ёслэсь юатэк фермабь скалэз вузазы. Колхозлэн председателез Гуменников фермае пудо животлэсь лыдзэ йылытэм интые со кулэстэ. Та Гумеников'ёс скал басьтыны шуса Дебессэ ветлызы но юэменызы бертыкузы уро-

боез тйазы. Нош фермае скал чик өз басьтэ. Соос асьсэлы велосипед басьтызы, отйэ коньдонэз юыса быдтызы. Гуменников'ёслэн сы-че ужзы сярэсь окпон гожтэмын вал нй. Нош райзо ноқыче ужрад өз куты. Прокуратуралы та фактэз жоген эскероно но кулэ лусь ужрад кугоно.

Тодись.

## Жулик'ёсты шымыртоно

Итинск сельсоветысь „Ог'я кужым“ колхозлэн кладовщикез Галичанин Фадей жульничать карыса ужа. Алигем одйг ведомостен кыкпол нянь складьсь бастыз. Собере Галичанин Николаез вукое ыстыкузы солы 3 центнер но 20 килограмм мертаса расходэ 2 центнер но 70 килограмм

вывести карем. Кылемзэ пызез киултыны малпа вылэм. Галичанин вукое вуыса тысьсэ мертаз но 23 пуд потыз. Кладовщикен колхоз председателен Галичанинэн та ужез вераськыса лэстыллям вылэм, мултэссэ пызез люкон вылысь. Таچه уж'ёссы понна жулик'ёсты шымыртоно. Г.

## Ю октон-калтон куашкатэмын

Шудзялуд сельсоветысь „Заря“ колхозын ю октон-калтон но государственлы ю-тысь сётон куашкан дыре вуэмын. Колхозлэн председателез Михеев кблыса ужанназ октон-калтон ужез куашкатон дыре вуттыз. 14 сентябрь аранэз быдтымтэ, государственлы нянь сётон план 50 процентлы гинэ быдэстэмын. Вань уж жегаса мынэ ке но озы но колхозник'ёс ужез уг дырто. 14 сентябрь жнейкаен арасьёс 8 часэ чукна араны мынйзы. Озы ик кийн арасьёс со дыре ик

мырдэм каньыл вырзыса бусые араны мынйзы. Малы со озы луэ, соиз тодмо. Колхозлэн председателез но бригадир'ёс ужез уг кивалто. Рапортовать карыны гинэ ярато. Етин волдонэз ке верано соиз талэсь но урод на, етин тышкаса муз'ём вылын сисьме, кбжызы турнамын но зуродэ тырытэен сисьме ни. Михеевез сыче беспечной муртэ уборкаез куашкатэмез понна но юз сисьтэмез понна ответственность улэ кысконо.

Михайлов.



„Заря“ колхозлэн председателез Михеев рапорт сёт'яса уборкаен кивалтэ.

## Таослэсь ужзэс эскероно

Сурон сельсоветысь „Калинино“ колхозысь азьло колхоз председателез Артемьев колхозник'ёсыз пбйаса улыз. Председательын ужакыз 68 трудодень толэзы аслыз гожтылыз. Али Артемьев нокин быр'йытэк счетоводэ ужаны карыськыз. Ас ужаз Артемьев вредительской уж'ёс нуыны колхоз председателез Ивано-

вез узатэ. „Тон Иванов аслад семьяедлы трудодень трос гож'я, мон председателын улыкым ас сем'яелы трудодень трос гожтыл' шуэ. Таин гинэ соослы өз тырмы Артемьевлэн кивалтэмез'я 10 центнер „Вятка“ зегез гурын куасьтыса. Кезэ заготзерное сдать карызы. „Пбйа государственноез“ шуса супыльто. Иванов.

## Ужен уг кивалто

Зюзя сельсоветысь „Красное знамя“ колхозын ужез уг кивалто. Колхозлэн бригадирез Иванов колхоз председателэсь нарядэз уг быдэс'я. Тани 10 сентябре Иванов колхозник'ёслы уж 11 часозь өз сёты, колхозник'ёс колхоз контораын уж витьыса улызы. Ивановен сыче случайёс тырос луы-

ло. Сыче ужамен ю октон-калтон уж али ке но быдэстымтэ на, аран колхозын быдтымтэ, нянь государственлы нуон озы ик самотекын лэземын. Колхозлэн председателез сыче ужез шонер-тон вылысь ужрад уг куты. Ужен оперативно уг кивалты.

Шубин.

## XVII ВКП(б) партс'ездлэн ни'ыныз нимам колхоз зерно пунктэ ю нуэ.



## Ю октон-калтонэс быдтызы

Бородуль сельсоветысь „Колосс“ колхоз ю октон-калтонэз 5 сентябре быдтыз. Хлебопоставка натуроплата но ссуда берыктонэз та матысь нунал'ёсы быдэстоз, етин кидыс сётон план кемалась быдэстэмын. Колхоз-

лэн председателез Жданов ужез умой организовать карыны быгатыз. Шофер Туров нянь нуллонын сюлмо ужа. Вотка заводэ машинаен нуналлы кык рейс лэсты.

Казанов.

## Газет вблдонэз куашкатэ

Уйвай сельсоветысь „Октябрь“ колхозысь бригадир Леконцев Степан колхозын газет вблдонэз куашкатэ. Бригадаысьтыз колхозник'ёсыз газет туж ичи басты. Леконцев ачиз одйг номер но газет уг басты, колхозник'ёс пблын газет лыдзон организовать уг карылы, ужез бригадаяз ляб мынэ.

Юферев.

## Чирков массовой ужез ляб нуэ

Уйвай сельсоветын Чирков массовик, массовой ужез ляб нуэ. Бригадаосын колхоз'ёсын стенной газет шер поттыло, Чирков со ужез умоятон вылысь ичи сюлмаське, лябыт ужа. Чирковлы та ужез умоятоно.

Иванов.

## Социалистической собственностиз ляб возьмало

Уйвай сельсоветысь „Октябрь“ колхозысь кладовщик Леконцев Василий ас ужаз саклыкэ вис'ятэк ужа. Складзэ трос дыр'я уйин азелы пыдсатэк кель-

тылэ. Сторож Юферев Артемий со ужез шодыса кеносэз пытсаз. Колхоз правленилы Леконцевлэн урод ужамзэ эскероно но ужрад кутуно. Колхозник.

Галичанин.

## Вилкинс „Н-209“ самолётэз утча

Известной американской полярной исследователь Вилкинс 7 сентябре „СССР—Л—2“ самолётэн „Н—209“ самолётэз утчаны лобызил. Вилкинс радио пыр СССР-лэн Вашингтон городысь полпредствоеныз связь возе. СССР-лэн полпредство-елэн советникез Уманский эш нош Вилкинслэн лобамез но солэн Леваневский эшлэсь самолётэз утчамез сярэсь Москвае телеграм-маос сётылэ.

Куазь урод вал. Северын лобаны куазь умой луоз шуыса Вилкинс севере лобызил. Лобзыны кутскем бере одйг час но 15 минут ортыча Вилкинс бус пблы шедиз. Самолёт вылэ йб кыныны кутскиз. Бус пблысь потон дыр'я машина вылысь йб шуналляз. 72 параллель дорын лётчик йбосыз адзиз. Куазь умой луэмен Вилкинс туж улетит лобзоно луиз.

7 час 40же лобаса, Вил-

кинс „СССР—Л—2“ самолётлэсь интызэ вераса ивэрттыз. Северной широталэн 22 градусэз но 30 минутэз но западной долготалэн 146 градусэз дорын вал Вилкинс соку. Из вадьсын бус лэзькемын вал. „СССР—Л—2“ самолёт тупатэм дыр'ёсы Леваневскийлэн самолётэзлы порывной сигнал'ёс сётылэ. Сигнал'ёслы ноқыче ответ бастэмын бвбл.

9 час лобам бере „СССР—Л—2“ самолёт северной широталэн 84 градусэз но 45 минутэз но западной долготалэн 148 градусэз дорын вал. Пилем'ёслэсь вылетит лобаны шедимен Вилкинс берлань берытскиз.

Уманский эшлэн берло сётэм радиогаммаез'я „СССР—Л—2“ самолёт 8 сентябре но Леваневскийез утчаз. Северной широталэн 83 но 84 градусэз но 20 минутэз кустын но озы ик западной долготалэн 145 но 148градус'ёскуспын лобаз со.

## Пинал'ёс ваньзы уг дышетско

В.-Кыч сельсоветысь Александровской начальной школае ветлыны шедись пинал'ёс ваньмыз школае дышетскыны уг ветло. Школаен додйсьясыкыс Нерослов пинал'ёсыз ваньзэ охватить карон ласянь ичи сюлмаське. Та школьной участкаын кык мурт дышетскыны уг ветло. Мукет школаосын но сыче факт'ёс вань луса но школаен додйсьясыкысьёс та сярэсь малпатэк уло. Е.

## Нырысь нунал ик тыронзэ тырыз

В.-Кыч сельсоветысь Князево гуртысь единоличник Рыков Сергей платежной извещениысыз бастэм бераз ик налогэ 50 манет но 30 страховказэ тырыз. Мохов.

## Валэктэм—ужеж жутэ

Мон Тыловой НСШ-ын 4 классын дышетисько. Мынам уроке география вал. Уроке мынон дыр'я урокам завуч Логинов пукиз. Урок орчем бере мыным Логинов у ж ы н тырмымтэ-осыз вераз но монэ азыпала ужаны дышетиз. Та дышетэмлы мон шумпотысько, мон табере ужеж умоято шуса оскылысько.

Дышетись Черных.

## Коньшин пьяница

Бородуль сельсоветысь „Максимята“ колхозысь колхозник Коньшин Емельян 6 сентябре Воткае 2 валэн хлебопоставкае нянь нуса мынйз. Няньзэ сдать карем берез Коньшин—пьяница юыны кутскиз. Юыса улоназ кыксэ ик вал'ёссэ но одйг уробо ыштыз. Вал'ёссэ Воткинской милиция шедьтыз. Уробозэ өз шедьтэ Коньшин ачиз туннэ ке но колхозэ өз вуы на. Хлебопоставкаез жегатиз, колхоз уробозышты. Прокуратуралы та Коньшинлэсь ужеж эскерыса ответственность улэ кысконо. Ильин.

## Рычковлэн уж'ёсыз

Тыловой сельсоветысь „1 май“ колхозысь ревизионной комиссилен председателез Рычков колхозысь урод уж'ёсыз контролировать карем интые со 2 сентябре складьсь 2 пуд чабей бастыз, нош колхозник'ёслы чабей люкылыз. Тодэ-а та сярэсь колхозлэн председателез Княев.

Самсонов.

## Поставкаосыз уг тыро

Зюзино сельсоветысь „Красная звезда“ Колхозын колхозник'ёс обязательной поставкаосыз уг тыро. Кылсярэсь сйль но вбй тырон'ёс быдэстымтэ. Сельсоветлэн членэз Агафонов ас уженынз ичи ука, поставкаосты тыронлэсь со ачиз палэнске, Агафонов одйг килограмм но вбй өз тыры на. Озы ик колхозник'ёсыз но уг тыро.

Шубин.

Редакторез воштысь В. С. ХОХРЯКОВ поттысь райисполком.